

Orientasaun ba Promotor Saude Familiar (PSF) sira konaba

Hari'i Uma imunizasaun ne'ebe Forte

Se deit mak sai nudar partisipantes ba aktividade ida ne'e?

PSF ka Chefe Aldeia no pesoal husi parseria (ONG no agensia) – partisipantes depende ba total PSF nebe'e iha area responsabilidade Sentro Saude idaidak nian, masimu liu ema 40, se liu husi numero ne'e bele organiza dala rua, tamba partisipantes nebe'e bo'ot liu sei ladun efetivu.

Se mak sai nudar fasilitador: Chefe Sentro Saude ka pesoal nebe'e kaer Programa EPI, no fasilitador senior balun ne'ebe iha kuineshementu no abilidadi nato'on konaba instrumentu ne'e.

Fatin orientasaun sei halao iha ne'ebe?

Aktividade ida ne'e sei halao iha Sentro Saude ka sede Suco nebe'e identifika sentralizado (klaran) atu nune'e partisipante hotu bele asesu ba (labele balun dok liu fali)

Orientasaun sei remata iha horas hira nia laran?

Aproximasaun iha horas 6 nia laran inklui tempu ba merenda no han meiudia.

Toma minutu

Ema ida husi Sentro Saude ou projektu Imunizasaun Proteje Labarik tenki toma nota durante aktividade refere hodi hakerek problema saida maka identifika no solusaun saida maka foti hodi rezolve nomos planu aktividade saida maka sei halo iha tempo tuir mai nian, indika mos pesoal nebe'e sei kordena no responsabiliza atu garante implementasaun aktividades nebe'e planea (konsensus).

Treinamentu husi Planu Treinadores

Topiku	Metodologia Treinamentu	Rekursu	Estimas aun tempu
Abertura	Lia fuan ruma husi Chefe Suku no halo abertura.		Minutu 5
Reza	Husu ema ida atu lidera reza		Minutu 3
Introdusaun no intensaun husi instrumentu	<ul style="list-style-type: none"> • Husu kada partisipante atu'introdus nia nia an. Fasilitador sira moos sei intodus sira nia an. Husu kada ema ida atu koalia buat balun ne'ebe mak ema balun lahatene konaba sira. • Revizaun agenda aktividade. • Esplika intensaun husi intrumentu: atu involve PSF ou lider komunidade hodi hadia Kobertura imunizasaun iha sira nia area liu husi halo mobilizasaun ba komunidade no hola data konaba labarik tinan ida mai kraik ho inan isin rua iha sira idaidak nia bairo hodi ajuda pesoal saude sira identifika labarik sira nebe'e sedauk hetan vasinasaun no sira nebe'e tarde atu hetan vasinasaun. • Revizaun figura kobertura ikus liu nian hodi hare suku nebe'e maka ho nia Kobertura kiik no drop out bo'ot. 	Slide PowerPoint: Ida ho nia objektivu no seluk ho nia topiku agenda Fahe surat tahan informasaun konaba kobertura vasinasaun	Minutu 30

	<ul style="list-style-type: none"> • Fo hanoin fali ba partisipante sira sai maka akontese se labarik sira lahetan vasinasau kompletu, infor mos konaba surto sarampo iha 2011 tamba kobertura ne'ebe ki'ik tebes. • Enkoragen komentariu no perguntas 		
Saida maka imunizasaun	<ul style="list-style-type: none"> • Husu ba partisipantes, saida mak imunizasaun tuir sira nia komprensaun. Klarifika karik presija. • Koko esplora partisipantes nia hanoin no hatene oinsa imunizasaun nia servisu, grupo targeto, tipu de imunizasaun, iha nebe'e atu simu imunizasaun no saida maka nudar inan no aman sira halo atu sira nia oan sira bele hetan imunizasaun. Klarifika karik presija. 	Manual imunizasaun LISIO, figura moras sira nebe'e bele prevene ho vasinasau.	Minute 60
Saida mak intrumentu ne'e halo no oinsa ninia servisu	<ul style="list-style-type: none"> • Husu ba partisipantes karik sira balun komprende saida maka instrument uma imunizasaun. • Esplika signifika husi instrument uma imunizasaun, nia lalaok, oinsa atu priense, saida maka PSF sira halo antes priense, oinsa atu halo ida ne'e kada fulan. • Halo exersisio hamutuk ho partisipante sira atu sira bele komprende ho didiak. 		
Prosesu priense instrument uma imunizasun	<ul style="list-style-type: none"> • Fahe partisipantes ba kada grupo tuir suco. • Fo kopia husi intrumentu ne'ebe nebe'e sei mamuk. • Fahe mos register imunsasasi kada suco nian ba partisipante sira atu koko priense ho ajuda husi Fasilitador (staff CHC no staff IPL) • Grupo ida-idak apresenta nia rezultado. • Perguntas no resposta konaba lalaok priense instrument uma imunizasaun. • Rezumu ba sesaun priense instrument uma imunizasaun. <ul style="list-style-type: none"> ○ Ema hirak nebe'e mak responsabiliza atu asegura katak labarik Timorense hetan iminuzasaun completa no protejido mak hanesan kna'ar nain saude, lider komunitario, no inan aman sira. ○ esplika katak instrumentu ida ne'e atu fasilita membru komunidade sira (PSF no lider local) ho objektivu atu hadia kobertura imunizasaun no kria linha kordenasaun no involvementu komunidade sira hodi kontrola labarik sira nebe'e la hetan imunizasaun tuir standar nebe'e mak rekomenda. ○ Bainhira labarik simu vasinasau, membru komunidadi (PSF no lider local) tenke iha komitmentu no konsensia prience data sira nebe'e labarik sira simu imunizasaun ba iha instrument ne'e karik hetan Informasaun (partisipa iha SISCa, vizita uma), hodi hatudu oinsa sira nia oan nia progresu husi vasinasau no hodi membru PSF ka lider local sira halo visita ba uma sira nebe'e labarik sira tarde iha sira nia vasinasau. 	Kopia tool uma imunizasaun kiik, manual uma imunizasaun no register imunizasaun kada suku nian.	Minute 90
Kna'ar PSF	Esplika ba PSF sira saida maka sira nia kna'ar iha implementasun instrument uma imunizasaun; mak hanesan tuir mai ne'e:	Kopia kna'ar lista PSF	Minute 20

	<ul style="list-style-type: none"> • Halo mobilizasaun ba komunitade • Partisipa iha aktividade SISCa. • Priense instrument uma imunizasaun hafoin partisipa iha SISCa. • Halo analiza ba instrument nebe'e priense tiha ona hodi reve statutu imunizasaun labarik nian. • Halo vizita uma hodi mobiliza no motiva inan sira nebe'e nia oan tarde hetan imunizasaun. • Rekolha Informasaun konaba targeto iha ida-idak nia area (populasaun nebe'e muda sai no tama, mate no moris). • Sai ligasaun ba kna'ar nain saude no komunitade, liu-liu organiza sira nebe'e tarde hetan vasinasau no kontaktu kna'ar nain saude hodi fornese servisu imunizasaun ba sira nebe'e identifika simu tarde atu bele simu fali vasinasau mesmu orario SISCa liu tiha ona. • Organiza no fasilita eventu comunidadi iha kada fulan primeiru kada tinan hodi hapara/hasai dezieinhu tuan, no introdus ida foun, diskute oinsa hadia kobertura vasinasau, no agradese ba inan aman sira ne'ebe nia oan kompleta ona sira nia vasinasau molok halo tinan ida. 	nian.	
Kna'ar pesoal saude nian	<p>Esplika mos ba pesoal saude konaba sira nia kna'ar iha aktividade refere.</p> <ul style="list-style-type: none"> • Iha komitmentu atu fornese servisu imunizasaun rutina iha fatin fiksu no SISCa tuir orario nebe'e determina. • Halo analiza ba Kobertura imunizasaun hodi identifika targetu nebe'e drop out no left out. • Ajuda PSF sira hodi priense dadus imunizasaun labarik sira nia ba iha instrument uma imunizasaun. • Fornese servisu imunizasaun ekstra karik hetan kontaktu husi PSF sira konaba labarik sira nebe'e tarde iha sira nia vasinasau mezmu oraio SISCa liu tiha ona. • Halo feedback ba lider local, PSF no komunitade konaba Kobertura imunizasaun kada suku hodi hetan apoio konaba mobilizasun komunitade karik iha area balun maka nia Kobertura ki'ik ou drop out barak. • Organiza inkonto kada fulan (determinado) iha CHC hodi up date konaba statutu instrument uma imunizasaun nian. • Organiza no fasilita eventu comunidadi iha kada fulan primeiru kada tinan hodi hapara/hasai dezieinhu tuan, no introdus ida foun, diskute oinsa hadia kobertura vasinasau, no agradese ba inan aman sira ne'ebe nia oan kompleta ona sira nia vasinasau molok halo tinan ida. 	Kopia lista kna'ar pesoal saude nian.	Minutu 20
Liafuan ikus	<ul style="list-style-type: none"> • Fo hatene ba sira katak vantagen ba implementasaun instrument ne'e sei hadia sira nia Kobertura imunizasaun nian no principal liu maka sira nia oan hetan protesaun ba moras sira nebe'e bele prevene ho vasinasau. • Husu sira nia komentariu no perguntas konaba instrumentu no konaba saida mak espera atu hetan husi sira iha treinamentu ida ne'e no suporta grupu husi kna'ar nain saude sira. • Agradece ba partesipante sira nia prezensa no sira partisipasaun nebe'e ativu. • Hamutuk determina data atu halo up date nian hodi membru 		Minutu 20

	hotu-hotu hatene nune'e bele partisipa. • Husu atu staf senior ida atu taka sesaun.		
--	--	--	--